



Akiliunneqarluni oqarasuaateqarneq aamma akiliunneqarluni internetseqarneq



Ilitsersuut – Aprili 2026

1. Aallarniutigalugu oqaaseqaatit

Ilitsersuummi matumani akiliunneqarluni oqarasuaateqarneq aamma akiliunneqarluni internetseqarneq pillugit malittarisassanik akileraartitsisarnermillu inuinnarnut, sulisitsisunut suliffeqarfinnullu paasissutissiisarnissaq siunertarineqarpoq.

Akiliunneqarluni oqarasuaateqarnerup akiliunneqarlunilu internetseqarnerup nalingi ukioq 2023 aallarnerfigalugu aningaasarsiatut A-tut akileraarusersorneqartalerput, tak. Aningaasarsianit akileraarutit pillugit inatsimmi § 75, imm. 1, nr. 4. Aningaasarsiatut A-tut

akileraarusersuisoqartalerma, sulisitsisoq nalunaarutiginninnissamut eqqortumillu akileraarutini unertitsinissamut akisussaaffeqalerlunilu pisussaaffeqalerpoq.

Akiliunneqarluni oqarasuaateqarnermut aamma akiliunneqarluni internetseqarnermut akileraarusersuinissamut inatsisitigut tunngavisoq § 19 a, imm. 7-8-ni allassimapput.

Ilitersuutip matuma Akileraartarnermut Aqutsisoqarfiup nalunaarutaa normu 356 taarserpaa, taanna ajunngitsorsiasat B-tut isertitaagallarmata, tassa oqarasuaat aalaakkaasoq aqqiissutissatut pingaarnertut atorineqartarallarmat saqqummiunneqarsimavoq.

2. Akiliunneqarluni oqarasuaateqartitaaneq

2.1 Akileraarusersuinermit pingaarnertut tunngaviit

- Akiliunneqarluni oqarasuaateqartitaaneq tassaavoq akileraaruserneqartartoq. Tassa oqarasuaatip qanoq atorineqartiginera pinnagu.
- Oqarasuaateqarnermut akiliuteqartarneq oqarasuaammik atuinissamut pisinnaatitsiffiummat, sulisup atuineranut sulisitsisup akiliuteqartarnera akileraaruserneqartarpoq.
- Oqarasuaammi paasisutissanik atuisinnaaneq immikkut akileraaruserneqartanngilaq.
- Akiliunneqarluni oqarasuaateqartitaaneq nunami sumiikkaluaraanniluunniit (imaluunniit nunani allaniikkaluaraanni) apeqqutaanngilaq, soorlu sorlarmik atuisuunerup akileneqartarnera apeqqutaanngitsoq.
- Akiliunneqarluni oqarasuaateqartitaaneq aningaasarsiatut A-tut akileraaruserneqartarpoq, sulisitsisut nalunaarsorsimaffiannut Sulinal-imut qaammatikkaartumik nalunaaruteqarnermut atatillugu nalunaarutigineqartartoq.
- Akiliunneqarluni oqarasuaateqartitaaneq ullut atuiffiusut amerlassusaat ukiumoortumillu akigititaq tunngavigalugit akileraaruserneqartarpoq.
- Akiliunneqarluni oqarasuaateqartitaanerup nalinga ukiumut akigititanik naleqqussaanikkut naleqqussarneqartarpoq. Akigititat naleqqussarneqarnerat Akileraartarnermut Aqutsisoqarfiup nittartagaatigut www.aka.gl ukiumut ataasiarluni saqqummiunneqartarpoq, 'Nalunaarutit' iluanni nassaarineqarsinnaallutik.
- Sulisitsisoq nalunaaruteqarnissamut pisussaaffeqarpoq. Sulisitsisup nalunaaruteqarfigisartagaanut nalunaaruteqartoqassaaq, tassa Sulinal.nanoq.gl imaluunniit Danmarkimi Kalaallit Nunaata Sinniisoqarfia aqqutigalugit nalunaaruteqarneq pineqaraluarpataluunniit.
- 2026-mi akiliunneqarluni oqarasuaateqartitaanerup nalinga 6.000 kr.-uvoq. Akiliunneqarluni oqarasuaateqartitaanermit akiliutissat ilaannik sulisoq sulisitsisumut akiliuteqartarpat, akiliutigineqartup annertoqataanik akileraarutigineqartussaq annikillisinneqassaaq, tassa aningaasanit akileraaruserneqartunit akiliuteqartoqarpat.

2.3 Killiliineq - Akiliunneqarluni oqarasuaateqartitaaneq qaqugukkut pineqartanngila?

Sulisitsisoq taamaallaat sulinermut atatillugu oqarasuaateqartitsippat, akiliunneqarluni oqarasuaateqartitaaneq pineqanngilaq.

- Sulisoq sulinermini taamaallaat oqarasuaammik atuisarpat, pigaartuunermi oqarasuaat pineqarpoq.
- Sulisut tamarmik immikkut oqarasuaateqarunik sulinerminni taamaallaat atortakkaminnik, taava atorfirmut atatillugu oqarasuaat pineqartarpoq.

Sulisitsisoq atorfirmut atatillugu oqarasuaammik aamma pigaartuunermut atatillugu oqarasuaammik inuinnartut atuisoqannginnissaanik nakkutilliissaaq.

Ingerlatseqatigiiffinni piginneqataassutiniq amerlanerpaanik piginnittut aamma pisortaanerit namminneq aningaasarsiassaminnut sunniuteqarluartartut ingerlatseqatigiiffimmit/sulisitsisumit oqarasuaat atugassinneqartoq namminneq inuttut atuinissamik isumaqartarput.

2.4 Oqarasuaatit arlariit

Sulisitsisup sulisoq oqarasuaatinik arlariinnik SIM-kortinillu arlariinnik atugassippagu, akiliunneqarluni oqarasuaatigisamut ataasiaannarluni akileraarusiisoqassaaq.

2.5 Oqarasuaatinut tapit

Sulisoq akiliunneqarluni oqarasuaateqartitaanermut sanilliullugu akissarsiat ilaattut oqarasuaammut tapinik pissarsisarpap, pissarsiarineqartut aningaasarsiatut A-tut akileraaruserneqassapput.

2.6 Akileraarummik annikilliliineq qaffaanerlu

Ajunngitsorsiassat killilersugaanngitsumik niuernermi nalinga nalinginit aalajangersarneqartunit 20 procentimit appasinnerusoq uppersarneqarpat, pisuni taaneqartuni nalingisa appartinnissaat suliani ataasiakkaani akileraartussaataasup imaluunniit unerartitsisussaataasup piumasaqarneratigut akileraartarnermut ingerlatsiviup akuerisinnaavaa.

Assersuut: Sulisitsisoq oqarasuaammik qaammammut atuisuunermut 359 kr.-nik akilernerqartartumik, ukiumut 4.308 kr.-nik naleqartumik neqerooruteqarpoq. Tamanna 6.000 kr.-t inorlugit 20 %-imik annertunerungaatsiarpoq. Sulisitsisoq sulisorluunniit uppersaammik sulinal@nanoq.gl-imut nassiussissaaq akiliunneqarlunilu oqarasuaateqarnermut akileraarutip appartinneqarnissaanik qinnuteqassalluni.

Ajunngitsorsiassat pineqartut nalingi, nalinginit aalajangersarneqartunit 20 procentimit qaffasinneruppata, pisuni imm. 2-6-imi taaneqartuni nalingi suliani ataasiakkaani akileraartarnermut ingerlatsiviup qaffassinnaavai." – malugiuk, niuernermi nalinga = nalinginnaasumik niuerfinni naliuvoq. Sulisitsisup aningaasartuutai Akileraartarnermut Aqutsisoqarfimmi naliliinermi pinngitsoorani aallaavittut atorineqarneq ajorput.



3. Akiliunneqarluni interneteqarneq

3.1 Akileraarusersuinnermut pingaarnertut tunngaviit

- Akiliunneqarluni internetserinnaaneq akileraaruserneqartarpoq. Internetsip qanoq atorineqartigineqarnera pinnani.
- Internetseqarnermut akiliuteqartarneq internetsimik atuinissamut pisinnaatitsiffiummat, sulisup atuineranut sulisitsisup akiliuteqartarnera akileraaruserneqartarpoq.
- Akiliunneqarluni internetseqarsinnaatitaaneq nunami sumiikkaluaraanniluunniit (imaluunnit nunani allaniikkaluaraanni) apeqqutaanngilaq, soorlu teknikkikkut aqqiissutissanik (Wifi /fast) sorlernik atuisuunerup internetsillu qanoq sukkassuseqarnera apeqqutaanngitsut.
- Akiliunneqarluni internetseqartitaaneq aningaasarsiatut A-tut akileraaruserneqartarpoq, sulisitsisullu nalunaarsorsimaffiannut Sulinal-imut qaammatikkaartumik nalunaaruteqarnermut atatillugu nalunaarutigineqartarluni.
- Akiliunneqarluni internetseqarsinnaatitaaneq ullut atuiffiusut amerlassusaat ukiumoortumillu akigititaq tunngavigalugit akileraaruserneqartarpoq.
- Akiliunneqarluni internetseqarsinnaatitaanerup nalinga ukiumut akigititanik naleqqussaaniikkut naleqqussarneqartarpoq. Akigititat naleqqussarneqarnerat Akileraartarnermut Aqutsisoqarfiup nittartagaatigut www.AKA.gl-ikkut ukiumut ataasiarluni saqqummiunneqartarpoq, 'Nalunaarutit' iluanni nassaarineqarsinnaallutik.
- Sulisitsisoq nalunaaruteqarnissamut pisussaaffeqarpoq. Sulisitsisup nalunaaruteqarfigisartagaanut nalunaaruteqartoqassaaq, tassa Sulinal.nanoq.gl imaluunniit Danmarkimi Kalaallit Nunaata Sinniisoqarfia aqqutigalugit nalunaaruteqarneq pineqaraluarpataluunniit.
- Akiliunneqarluni internetseqartitaaneq 2026-mi ukiumut 6.000 kr.-nik naleqarpoq.

3.2 Akiliunneqarluni internetsimik atuneq

Ass. internetsikkut nuussisinnaanermut akuersissummut sulisitsisoq akiliuteqartarpat, atuisinnaanerup niuernermin nalinga immikkut akileraaruserneqassaaq. Taamaattumik internetsikkut nuussisinnaaneq immikkut ittumik ajunngitsorsiatut isigineqarmat immikkut ittumik akileraaruserneqassaaq.

3.3 Killiliineq - Akiliunneqarluni

internetseqarsinnaatitaaneq qaqugukkut pineqartanngila?

Sulisitsisoq taamaallaat sulinnermut atatillugu internetseqartitsippat, akiliunneqarluni internetseqarsinnaatitaaneq pineqanngilaq. Matumani aamma sulisup angerlarsimaffiani

internetsimut attaveqaasiisoqarsimanera atuuppoq, tassani internetsip sulinermut atatillugu aatsaat atorneqarsinnaanera pillugu erseqqissumik allaganngorlugu ilitsersuutitaqarpat.

Sulisitsisoq internetsimik inuinnartut atuisoqannginnissaaq. Sulisorli nammineq inuttut internetsimik atuisimappat, sulisoq ajunngitsorsiassamik atuinermut ukiup sinneranut ukiullu tulliiut akileraaruserneqassaaq.

Ingerlatseqatigiiffinni piginneqataassutiniq amerlanerpaanik piginnittut aamma pisortaanerit namminneq aningaasarsiassaminnut sunniuteqarluartartut ingerlatseqatigiiffimmit/sulisitsisumit internet angerlarsimaffimmi atugassanngortinneqartoq pillugu namminneq inuttut atuinissamik isumaqartarput.

3.4 Najugaqaqatigiinneq

Aningaasarsianit akileraarutit pillugit inatsit inuit ataasiakkaat akileraartarnerannit tunngaveqarpoq. Imm. 3.1-imi allassimasutut akiliunneqarluni internetseqarnerup akileraaruserneqartarnerani pingaarnertut tunngaviuvoq, sulisitsisup internetsimik sulisumut qanoq atugassiissuteqarsimanera. Najugaqaqatigiinnermut imaluunniit inoqutigiinnermut immikkut malittarisassaqaanngilaq.

Sulisitsisoq najugaqarfimmi ataatsimi internetseqartitsippat, sulisut tamarmik tassani najugaqartut akiliunneqarlutik internettersinnaatitaapput, taakkulu malillugit akileraarusiisoqartarluni. Tassa akiliunneqarluni internetseqarsinnaanermik atuisinnaajunnaartinneqanngippata.

Inummut ataatsimut aningaasartuutaasussat sipaarutigineqarnerat naliummat, apeqqutaanngilaq sulisut arlallit (katissimasinnaammata/aappariissinnaammata) najukkami najugaqatigiikkaluarpataluunniit.

Akileraarusiinnginnissamut periarfissatuaavoq, sulisup ajunngitsorsiassamik - tassa internettersinnaanermik atuinissamut naaggaarnera.

4. Attavissaq

Akiliunneqarluni oqarasuaateqarnissamut internetseqarnissamullu malittarisassat pillugit apequtissaqaruit imaluunniit eqqortumik nalunaaruteqarnissamut nalornissuteqaruit Sulinal - Sulisitsisut nalunaarsuiffiat attavigisinnaavat.

Sulinal

Oqa. 34 60 81

Telefax 34 65 77

sulinal@nanoq.gl

Akilerartarnermut Aqutsisoqarfik

Intaleeqqap Aqqutaa 1

Postboks 1605

3900 Nuuk

Oqa. 34 65 10

tax@nanoq.gl

www.aka.gl

